

Underhawing motie wordt met algemene stemmen
aangenomen.

Motie 3.



E. K. B. P. d. d. 23 nov '15
Voorzitter,
Griffier,



MOSHON

Konseho Insular di Boneiru reuní den reunion Públiko di 23 di Novèmber 2015

Konsiderando ku:

for di 27 febrüari 2014 rapòrt NIBUD ta konosí pa Minister di Asuntunan Interno i Relashon di Reino sr. Ronald Plasterk i pa Sekretario di Estado pa asuntunan Soshal i Labor sra. Jetta Klijnsma;

e rapòrt ta duna un bista di e entrada mínimo pa luna ku un persona òf famia mester tin pa por biba desentementa aki na Boneiru i kubri tur su gastunan mensual;

- konforme e entrada mínimo stipulá pa persona i famia den e Rapòrt di NIBUD, un entrada di ménos ku 1500 dòler pa luna ta nifiká outomátikamente ku e persona(nan) aki ta den zona di pobresa;
- na Boneiru 60% di e klase trahadó tin un entrada entre 0 pa 1500 dòler brutu pa luna
- segun rapòrt NIBUD gastunan mensual pa mantenshon di un yu ta 412 dòler pa luna;
- rapòrt UNICEF ta ilustrá ku nos muchanan ta wòrdu konfrontá ku problemanan serio pa falta di un situashon soshal pésimo ku nan ta biba aden;
- den un karta di dia 25 di novèmber 2014 Sekretario di Estado Jetta Klijnsma ta informá ku lo introdusí "kinderbijslagregeling" (kompensashon pa yu) na lugá di "kinderkorting" (deskuento pa yu) na Boneiru i ku e esaki lo ta 20,- dòler pa luna pa mucha;
- esnan ku ta risibí e "fiscale kinderstoelag" lo bai atras ku 18 dòler; di 38 pa 20 dòler pa luna;
- Tin kalkula ku e "fiscale kindertoelag" ta benefisia solamente 1500 mucha ku tin mayornan ku ta paga impuesto;
- gobièrnu di Boneiru no ta di akuerdo ku e suma di 20 dòler ku a keda stipulá pa Hulanda i a manda un karta di protesta dia 8 di ougùstùs 2014 pa Direktor General di Ministerio di Asuntunan Sosial sr. Ter Haar na Den Haag;
- Ministerio di asuntunan Sosial a aprobá un montante di 38 dòler pa luna pa mucha te ku 18 aña;
- tin mas òf ménos 4000 mucha na Boneiru entre 0-17 aña ku ta bini na remarke pa e "kompensashon pa yu";

Griffie ER Bonaire
Ingek.: NOV 24 2015
Volgnummer: 2015012718
Griffier: Uitv.:

- kompensashon pa yu ta independiente di e entrada di mayornan;
- e 38 dòler di kompensashon di yu ta kubri solamente 9% di gastunan real pa mantenshon di un yu;
- mas ku 400 mayor ku un entrada ménos di 1550 dòler a hasi petishon pa ayudo soshal i pa material pa skol e aña eskolar 2015/2016 unda mas òf ménos 800 mucha a keda yudá;
- ta nifiká ku e situashon soshal ekonómiko real di muchanan ku ta den nesesidat ta surpasá 800;
- promé ku fin di aña 2015 Parlamentu Hulandes mester aprobá e 'Wetsvoorstel kinderbijslag voorziening BES';
- sinembargo, Tweede Kamer no a konsiderá tratamentu di e lei menshoná komo urgente i ainda no a aprobá esaki;
- e tardansa aki ta nifiká ku entrante 01-01-2016 nos muchanan lo keda sin risibí un kompensashon ku lo por a nifiká un alivio pa hopi famia;

TA DISIDI DI:

1. Invitá Kolegio Ehekutivo pa informá serka Sekretario di Estado Klijsma enkargá ku asuntunan Soshal i Labor pa e fecha di introdukshon di kompensashon pa yu (Kinderbijslag) na Boneiru.
2. Instruí Kolegio Ehekutivo pa hasi un petishon na Sekretario di Estado Klijsma enkargá ku asuntunan Soshal i Labor pa bini ku un medida temporal pa e periodo di 1-1-2016 te na momentu di introdukshon di kompensashon pa yu (Kinderbijslag) na Bonaire. Esaki den kuadro di derecho di mucha i mirando e situashon prekario sosialekonómiko na Bonaire segun rapòrt Spies mes a indiká i nos rapòrt di NIBUD.
3. Invitá Presidente di Konseho Insular pa skirbi un karta na Presidente di Tweede Kamer i informá e fecha i o periodo di aprobashon di e 'Wetsvoorstel kindervoorzienning BES'.
4. Desaprobá e echo ku aparentemente Frakshon di VVD no ta realisá e balor agregá ku e kompensashon (aunke minimal) tin pa muchanan riba e islanan BES.

I ta pasa pa òrdu di dia, Boneiru 23 novèmber 2015.











